



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De diuiersis raptibus eius, & cognitione de statu quorundam religiosorum.
XIII

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

& amplum in cælestibus collocasse, cuius structura superadmiranda non poterat in breui consummari. Vixit autem virgo post obitum huius dilecti patris, annis viginti in doloribus magnis & plagiis multis sibi præumaticinatis: quam Dens tamen consolabatur, &c. confortabat raptibus frequentibus, per inspirationem sancti Spiritus & visitationem ciuium supernorum.

CAPVT XIII.

De diversis raptibus eius, & cognitione de statu quorundam religiosorum.

1. Rapietur itaq; sepiissimè virgo hæc debilis corpore, spiritu fervens, in extasim per excessum mentis: sed nō erat in eius raptu rara hora & breuis mora. Quadam vice, religiosus quidam interrogauit eam de statu suo, & patientia tribulationum suarum, quas quotidie patiebatur. Cui illa respondit, satis excessiuè & supra vires suas se grauari: & nisi pius Dominus baculo consolationis eam suslentaret, faciliter sub onere dolorum deficere posset. Aiebat namque diuina misericordia affluente, quasi omni nocte per longam morulam vnius horæ vel amplius, serapi ad cælestia speculanda: quorum delitijs tantopere reficiebatur, quod non solum sibi tolerabilis, sed etiam quilibet amarissima tortura delectabilis efficiebatur. Rapietur etiam ad loca purgatoria & infernalia tormenta, ut videndo horrida supplicia patientius sustinet præsentia flagella; atque intimè compatiendo, libenter pœnitentiam ageret pro his, qui liberatione indigebant. In huiusmodi & alijs felicibus raptibus, ferè triginta quatuor annis, in lectulo doloris recubans, visitata fuit & in spiritu confortata certis tamen ex causis (ut præfatum est) diuinis raptibus privata. In multis denique gestis suis, per contrarios eventus Deus eam probans sepe humiliauit, & crebrò visitans altius eleuauit. Horum igitur raptuum occasione, multas ecclesias, & religiosorum monasteria, & dispositionem locorum, & structuram ecclesiarum cognoscebat: personas quoque religiosas, quas nunquam viderat, nominatim cognouit; & qualia circa eas diuinitus acta fuerant, alijs nonnunquam referebat.

2. Dixerat aliquando cuidam Priori, quod ita monasterium ipsius & ecclesiā cognoscebat, sicut ipse: & quod per noctes dormientibus fratribus, dormitorium eorum visitare solebat; & circa lectulos fratrum Angelos sanctos stare videbat.

3. Erat quidam iuuenis Henricus nomine, de Hagis villa Ducis Hollandiæ natus, quem virgo prius nunquam viderat; qui gratia Dei inspiratus, nescientibus parentibus eius, habitum san-

338 D E V I T A B. L I D E V V I G I S V I R G I N I S
Ex religionis apud Carthusienses, in partibus Brabantiae prope
Diest quæsivit, & accepit. Cuius pater Wilhelmus nominatus,
nesciens quid circa filium suum actum fuerat, ingressus est ad
virginem forsitan aliquid quæsitus. Qui statim proprio nomi-
ne & agnomine ab ea vocatus, audiuit virginem prospera filio
suo imprecantem, & super bonis à Deo ei factis congaudentem.
Super quo ille miratus, causam huius congratulationis sciscita-
tus est. At illa stupori eius verbum iucundum adiiciens, respon-
dit eum in supradicto monasterio sanctæ religionis habitum in-
duisse.

4. Erat & alius religiosus de Dordraco natus, sed in Emstet
regularis professus; qui quadam vice cellulam virginis, ad visi-
tandum eam tacitus intravit: quem illa proprio nomine appellans,
gratiosè satis salutauit. Et quamvis fortè eum prius semel
viderat, pro tunc certè corporaliter non videbat. De quo etiam
ille stupefactus quæsivit, unde eum sic nosset? Cui illa simpliciter
respondens, Dominus (inquit) donauit. Hæc duo exempla pro
nunc sufficient, quæ frater Hugo quondam Supprior in Briels,
ab ore eorum quibus contigerunt, personaliter audiuit, & testis
veraciter existit.

C A P V T X I V .

De apparitione & cognitione Angelice claritatis circa eam.

1. C omplebatur luculenter in hac probatissima virgine, quod
olim Dominus Moysi & filiis Israel, terram præmissionis
intrantibus dicebat: *Ecce ego mutto Angelum meum, qui præcedat
te; & custodiat semper, & sit duktor itineris tui.* Legitur in multis
libris Sanctorum de apparitionibus Angelorum, & nunc similia
probari possunt in hac paupercula Lydia virgine, ex testimonio
multorum religiosorum.

2. Visitabatur etenim creberrime ab Angelo sancto, à quo et-
iam tangebatur, digna eius confortio ac fulta præsidio: quem ita
personaliter cognoscebat, sicut amicus suum cognoscit ami-
cum. Similiter cognoscebat etiam Angelos confessorum suo-
rum, aliorumque familiarium suorum, ac multorum extraneo-
rum. Apparebat autem ei idem angelus diuersimoda effigie, in-
terdum in forma viri pulcherrimi, semper tamen cum magna
claritate, vt pote angelus lucis, minister & signifer æternæ lucis.
Nonnunquam vero claritas illa tanta erat, quod si mille soles in
virtute sua inuicem lucerent, non tamen huic angelicæ claritat-
æ equiparari possent. Interdum vero minor apparebat: semper ta-
men Dominicæ Crucis vexillum in fronte præferebat, ne forte

